

I12 WESTERBORK (NL)

La holandijako logoro Westerbork kêrdosas ando bêš 1938 sar našadengo logoro pala njamcoskê taj austrijakê jevrejur, save našlesas anda o „Trito Rajx“. Kana ando majo 1940 o Njamco okupirisardja e Holandija, kêrdilo kodo logoro jek transitosko logoro. Holandijakê jevrejur taj vi Sinti taj Řom deportirisajle katar ando Auschwitz-Birkenau, ando Sobibor taj ande aver logorja. Ando majo 1944 astardile 574 takozvani „vonvagenoskê manuša“ taj angêrdile ando Westerbork. Katka dikhle len e naci, če manuš sî le; 245 žene anda lende kategorisarde le naci sar „Zigeuner“ taj deportisarde len ando Auschwitz-Birkenau. Numa 30 žene lendar nakhle žuvindes o genocido.



1910

1951

1944

💡 Žanglen tumen

...kê 64 xućilde Řoma taj Sinti či deportirisajle ande logorja, anda kodja kaj sas len švajcarskakê taj italijakê dokumentur?
...kê 200 manuš mêklesas pe slobodija, kê či dikhle len le naci sar Řom vaj Sinti nego sar „travelerja“?

✍ Tumari bući

Sostar anel jek italijako vaj švajcarskako dokumento jek diferentno tretmano? So sas te avel o razlogo, kaj le naci mêkle le xućilde „travelerja“ pe slobodija taj le Řomen taj Sinton deportisarde len?

📷 Paj fotografija

E takozvano „šêrutni ulica“ kata o logoro Westerbork ando bêš 1944. O patreto fotografirisardja jek jevrejsko řobo pala le logoroskî komandantura. Fotografirime fajma andaj opruji etaža kataj komandanturako khêr. Memorijalo Westerbork/Holandija.



<https://www.romasintigenocide.eu/kalderasch/i>